

西漢會要


卅之一

九

漢書門類			
二	一	二	二
〇	四	四	四
冊	〇	〇	〇
架	函	號	類

內閣文庫			
元	二	〇	漢
四	四	〇	書
函	〇	〇	
一	二	〇	
五	五	〇	
冊	冊	號	類

內閣文庫			
番號	漢	2425	
冊數	20 (9)		
函號	294	24	



西漢會要卷三十

宋

徐

天

麟

撰

祥異下

地震



高后二年正月武都山崩地震至八月乃止

厭一甲
反下同

武帝征和二年八月癸亥地震厭殺人

宣帝本始四年四月壬寅地震河南以東四十九郡北海琅琊壞祖宗廟城郭殺六千餘人

元帝永光三年冬地震

成帝建始三年十二月隄為地震積二十一日百二十四動

綏和二年九月丙辰地震自京師至北邊郡國三十餘壞城郭凡殺四百一十五人

並五行志

山崩

高后二年正月武都山崩殺七百六十人

文帝元年四月齊楚地山崩二十九所同日俱發大水

潰出

並五行志

成帝建始三年越嶲山崩

本紀

河平三年二月丙戌隄為栢江山崩捐江山崩皆靡江

水逆流三日乃通

並五行志

石鳴

成帝鴻嘉三年乙亥天水冀南山石鳴聲隆隆如雷有

頃止聞平襄二百四十里野雞皆鳴石長丈三尺廣厚

畧等旁著岸脇去地二百餘丈民俗名曰石鼓石鼓鳴

有兵

五行志

石立

孝昭元鳳三年正月泰山萊蕪山南匈匈有數千人聲
民視之有大石自立高丈五尺大十四八圍入地深八
尺三石為足石立處有白鳥數千集其旁

五行志

隕石

惠帝三帝隕石繇諸一

武帝征和四年二月丁酉隕石雍二天晏亡雲聲聞四
百里

元帝建昭元年正月戊辰隕石梁國六

成帝建始四年正月癸卯隕石橐四肥累一

陽朔三年二月壬戌隕石白馬八

鴻嘉二年正月癸未隕石杜衍三

元延四年三月隕石都關二

哀帝建平元年正月丁未隕石北地十其九月甲辰隕

石虞二

平帝元始二年六月隕石鉅鹿二

自惠盡平隕石凡十一皆有光耀雷聲成哀尤屢

並五行志

火災 鐵飛附

高后元年五月丙申趙叢臺火

惠帝四年十月乙亥未央宮凌室災丙子織室災

文帝七年六月癸酉未央宮東闕梁燬災

景帝中五年八月乙酉未央宮東闕災

武帝建元六年六月丁酉遼東高廟災四月壬子高園

便殿火

大初元年十一月乙酉未央宮栢梁臺災

昭帝元鳳元年燕城南門災

四年五月丁丑孝文廟正殿災

宣帝甘露元年四月丙申中山太上皇廟災甲辰孝文

廟災

元帝初元二年四月乙未孝武園白鶴館災

永光四年六月甲戌孝宣杜陵園東闕南方災

成帝建始元年正月乙丑皇考廟災

鴻嘉三年八月乙卯孝景廟北闕災

永始元年正月癸丑大宮凌室災戊午戾后園南闕災

四年四月癸未長樂宮臨華殿及未央宮東司馬門災

六月甲午孝文霸陵園東闕南方災

哀帝建平三年正月癸卯桂宮鴻寧殿災

平帝元始五年七月己亥高皇帝原廟殿門災盡

武帝征和二年春涿郡鐵官鑄鍊銷皆飛上去

成帝和平二年正月沛郡鐵官鑄鍊鍊不下隆隆如雷

聲又如鼓音工十三人驚走音止還視地地陷數尺燼

分為十一鑪中消鐵散如流星皆上去

並五行志

旱

惠帝三年夏大旱江河少水谿谷絕

文帝三年秋天天下大旱 後六年春天天下大旱

景帝中元三年秋大旱 武帝元光六年夏大旱

元朔五年春大旱 元狩三年夏大旱

天漢元年夏大旱 三年夏大旱

征和元年夏大旱 昭帝始元六年大旱

宣帝本始三年夏大旱東西數千里

神爵元年秋大旱 武帝永始三年四月夏大

旱 並五行志

螟蝗

景帝中三年秋蝗 武帝元光五年秋蝗

六年夏蝗 元鼎五年秋蝗

四年夏蝗

元帝元始二年秋蝗徧天

下並五
行志

人妖

哀帝建平中豫章爲男子化爲女子嫁爲人婦生一子
建平四年四月山陽方與女子田無嗇生子先未生子
二月兒啼腹中及生不舉葬之陌上三日人過聞啼聲
毋掘收養

平帝元始元年二月朔方廣牧女子趙春病死歛棺積
六日出於棺外自言見夫死父曰年二十七當不死六
月長安女子有生兒兩頭異頸面相向四臂共胷俱前
向尻上有目長二寸所

景帝元年九月膠東下密人年七十餘生角角有毛
成帝建始三年十月丁未京師相驚言大水至渭水虜
上小女陳持弓年九歲走入橫城門入未央宮尙方掖
門殿門衛戶者莫見至勾盾禁中而覺得

綏和二年八月庚申鄭通里男子王褒衣絳衣小冠帶
劍入北司馬門殿東門上前殿入非常室中解帷組結
佩之招前殿署長業等曰天帝令我居此業等收問褒

故公車大誰卒病狂易不自知入宮狀下獄死

哀帝建平四年正月民驚走持藁或撮一枝傳相付與

曰行詔籌道中相過逢多至千數或被髮徒踐或夜折

關或踰墻人或乘車騎奔馳以置驛傳行經歷郡國二

十六至京師其夏京師郡國民聚會里巷阡陌設祭張

博具歌舞祠西王母又傳書曰毋告百姓佩此書者不

死不信我言視門樞下當有白髮至秋止

鳥獸之妖 魚蛙附

宣帝黃龍元年未央宮殿輅幹中雌雞化為雄毛衣變

化而不鳴不將無距 雞禍

元帝初元中丞相府史家雌雞伏子漸化為雄冠距鳴

將元光中有獻雄雞生角者

景帝三年十一月有白頸烏與黑烏羣鬪楚國呂縣白

頸不勝墮泗水中死者數千

昭帝元鳳元年有烏與鵲鬪燕王宮中池上烏墮地死

黑祥

昭帝時有鷓鴣或曰禿鶯集昌邑王殿下王使人射殺

之 青祥

成帝和平元年二月庚子泰山山桑有戴焚其巢巢難
盡墮地中有三戴雛燒死黑祥

鴻嘉二年三月博士行大射禮有飛雉集于庭歷階登
堂而鳴後雉又集太常宗正丞相御史大夫大司馬車
騎將軍之府又集未央宮承明殿屋上

綏和二年三月天水平襄有燕生爵哺食至大俱飛去
景帝中六年梁孝王田北山有獻牛足上出背上

昭帝元鳳元年燕王宮永巷中豕出圜壞都竈銜其脯
六七枚置殿前

昭帝元鳳元年九月燕有黃鼠銜其尾舞王宮端門中
往視之鼠舞如故王使吏以酒脯祠鼠舞不休一日一

夜死黃祥

成帝建始四年九月長安城南有鼠銜黃蒿栢葉上民
豕栢及榆木上為巢桐栢尤多巢中無子皆有乾鼠矢
數十

昭帝時昌邑王賀聞人聲曰熊視而見大熊左右莫見
高后八年三月被霸上還過枳道見物如倉狗檝高后
掖忽而不見犬禍

文帝後五年齊雍城門外有狗生角

景帝三年二月邯鄲狗與彘交

成帝河平元年長安男子石良劉音相與同居有人狀
在其室中擊之爲狗走出去後有數人被甲持兵弩至
良家良等格擊或死或傷皆狗也自二月至六月止
鴻嘉中狗與彘交

成帝綏和二年二月大廐馬生角在左耳前圍長各二
寸

哀帝建光二年定襄牡馬生駒三足隨羣飲食

惠帝二年正月癸酉旦有兩龍見于蘭陵廷東望溫陵
井中至己亥夜去

武帝元鼎五年蛙與蝦蟆羣鬪

大始四年七月趙有蛇從郭外入與邑中蛇鬪孝文廟

下邑中蛇死

蛇孽

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀帝建平二年東萊平度出大魚長八丈高丈一尺七

枚皆死

並五行志

草木之妖

惠帝五年十月桃李華棗實五行志

文帝六年冬十月桃李華本紀

昭帝時上林苑中大柳斷仆地一朝起立生枝葉有蟲

食其葉成文字曰公孫病已立又昌邑王國社有枯木

復生枝葉睦孟以為當有故廢之家公孫氏從民間受

命為天子者

元帝初元四年皇后曾祖父濟南東平陵王伯墓門梓

柱卒生枝葉上出屋

建昭五年元州刺史浩賞禁民私所自立社山陽橐茅

鄉社有大槐樹吏伐斷之其夜槐復立其故處並五行志

成帝建始四年秋桃李實本紀

永始元年二月河南街郵檮木生枝如人頭眉目鬚皆

具亡髮耳

哀帝建平三年十月汝南西平遂楊鄉柱仆地生枝如

人形身青黃色面白頭有髭髮稍長大凡長六寸一分

建平三年零陵有木僵地圍丈六尺長十丈七尺民斷

其本長九尺餘皆枯三月卒自立故處

元帝永光二年天雨草而葉相膠結大如彈

平帝元始三年正月天雨草狀如永光時並五行志

雜變異

景帝三年十二月吳二城門自傾大船自覆

宣帝時大司馬霍禹所居第門自壞

成帝元延元年正月長安章城門牡自亡函谷關次門

牡亦自亡

哀帝時大司馬董賢第門自壞

哀帝建平二年四月乙亥朔御史大夫朱博為丞相少

府趙元為御史大夫臨延登受策有大聲如鐘鳴殿中

郎吏陞者皆聞焉並五行志

元壽元年九月孝元廟殿門銅龜鋪首鳴紀

平帝元始元年二月乙未義陵寢神衣在柙中丙申旦

衣在外床上寢令以聞用太牢祠紀

占驗

漢興承秦滅學之後景武之世董仲舒治公羊春秋始

推陰陽為儒者宗宣元之後劉向治穀梁春秋數其禍

福傳以洪範與仲舒錯至向子歆治左氏傳其春秋意

亦已乖矣言五行傳又頗不同是以摭仲舒別向歆傳
載睦孟夏侯勝京房谷永李尋之徒所陳行事訖于王
莽舉十二世以傳春秋著于篇

文具五行志
此不詳載

漢興推陰陽言災異者孝武時有董仲舒夏侯始昌昭
宣則睦孟夏侯勝元成則京房翼奉劉向谷永哀平則
李尋田終術此時納說時君著明者也察其所言彷彿
一端假經設說依託象類或不免於億則屢中仲舒下
吏夏侯囚執睦孟誅戮李尋流放此學者之大戒也京
房區區不量淺深危言刺譏結怨彊臣罪辜不旋踵亦

不密以失身悲夫

李尋
贊

西漢會要卷三十一

宋 徐 天 麟 撰

職官一

上公 四輔師
友附

大師 臣天麟按沈約宋書云漢書
保傅在三公上號上公曰

大師古官平帝元始元年初置位在太傅上 百官表
下同

大傅

大傅古官高后元年初置金印紫綬後省八年復置後

省

哀帝元壽二年復置位在三公上

大保

大保古官平帝元始元年初置位次大傅

四輔

平帝元始元年授四輔之職

王莽傳張晏曰莽為大傅孔光為大師王舜為大保

甄豐為少傅是為四輔

師友

成帝時張禹以特進為天子師

本傳

平帝即位年幼選置師友大司徒孔光以明經高行為

孔氏師京兆尹金欽以家世忠孝為金氏友

金曰碑傳

三公

丞相

相國丞相皆秦官金印紫綬掌丞天子助理萬機秦有

左右高帝即位置一丞相十一年更名相國綠綬

按表下卷

九年蕭何已遷相國此云十一年當考

孝惠高后置左右丞相文帝二年

復置一丞相有兩長史秩千石哀帝元壽二年更名大

司徒武帝元狩五年初置司直秩比三千石掌佐丞相

舉不法

臣天麟按司馬遷將相表云孝景元年置司徒官本表不載姑俟攷詳

丞相徵事 任宮以丞相徵事捕斬反者漢儀注徵事比六百石

丞相史 尹咸孫禁漢舊儀云秩四百石

丞相少史 王壽王禁漢儀注云武帝又置丞相少師史秩四百石

東曹掾 庚延年父為東曹掾云敞為大司徒掾

西曹掾 蕭由為丞相西曹掾丙吉傳西曹主吏

集曹掾 康衡補陸賜集曹掾

秦曹 康衡傳主簿陸賜改居秦曹

議曹 李尋見翟方進傳

主簿 康衡傳主簿陸賜

大車屬 鄭崇為丞相大車屬

丞相屬 地理志朱贛

侍曹 陳遵傳

從史 康衡遣從史之僮取田租

掾史 翟方進傳丞相宣帝戒掾史謹事臣天麟按掾史者屬官之總稱也漢舊注東西曹掾比四百石餘

掾比三百石屬比二百石正曰掾副曰屬方進傳又並闕府三百餘史

宰士 翟方進傳師古曰謂丞相掾史為宰士者言其宰相之屬官而位為士臣

計相 張蒼為計相一月更召列侯為主計四歲蕭何為相合蒼以列侯居相府領郡國主計者

大尉

大尉秦官金印紫綬掌武事

表袁盎傳云本兵柄

高帝二年大尉長安侯盧縮五年罷太尉官十一年周

勃為太尉後官省

司馬遷將相表

惠帝六年置太尉官以勃為大尉

本傳臣徐天麟按漢書及史記世家皆云

六年而功臣表云高后四年為太尉又將相表云高后四年置太尉官絳侯為太尉世家及兩表其文自相抵

牾今止從世家

孝文三年罷大尉官屬丞相

本紀

孝景三年置大尉官

司馬遷將相表及漢書周亞夫傳

七年罷大尉官

本紀

孝武建元元年置大尉二年罷大尉官

史記將相表

元狩四年初置大司馬以冠將軍之號

師古曰冠者加于其上共為一

官也

宣帝地節三年置大司馬不冠將軍亦無印綬官屬

成帝綏和元年初賜大司馬金印紫綬置官屬祿比丞

相去將軍

哀帝建平二年復去大司馬印綬官屬冠將軍如故

元壽二年復賜大司馬印綬置官屬去將軍位在司徒

上有長史秩千石

百官表

大司馬司直

平帝召金欽為大司馬司直漢舊儀云武帝元狩五年初置

大尉史

溝洫志張戎漢儀注大尉史秩四百石

功曹

大將軍王鳳除蕭育功曹

西曹掾

樓護

大司馬掾

孝平本紀

議曹史

大司馬史高辟康衡為議曹史

門下史

大司馬車騎將軍召楊雄以為門下史

主簿

大司馬商除杜鄴主簿

御史大夫

御史大夫秦官位上卿

茂陵書御史大夫秩中二千石銀印青綬掌副

丞相有兩丞秩千石一曰中丞在殿中蘭臺掌圖籍秘

書外督部刺史內領侍御史員十五人受公卿奏事舉

劾按章成帝綏和元年更名大司空金印紫綬祿比丞

相置長史如中丞官職如故哀帝建平二年復為御史

大夫元壽二年復為大司空御史中丞更名御史長史

侍御史有繡衣直指

服虔曰指事而行無阿私也出討師古曰衣以綉者尊寵之也

姦猾治大獄武帝所制不常置

百官表

御史中執法

高紀晉灼曰中執法中丞也

御史中丞從事 于定國與御史中丞從事治反者獄

符璽御史 周昌傳趙堯為符璽御史 御史治書尚符璽者有印

綬表

治書御史 見上

監軍御史 胡建傳

御史大夫掾 何並大司空掾又庚延年為御史掾

西曹掾 大司空何武除鮑宜為西曹掾

主簿 御史大夫張忠署孫寶主簿寶曰兩府高士俗不為主簿

少史 蕭望之使少史冠法冠為妻先引蘇林曰曹史之下者

御史屬 御史大夫除谷永補屬史記康衡補御史百石屬

柱下令 高帝五年王恬啟為柱下令又張蒼為御史主柱下方書臣天麟按應劭官儀云侍

御史即柱下史故附於此

列卿

正卿九 劉熙釋名云漢置十二卿一曰大常二曰

曰執金吾七曰大司農八曰少府九曰大鴻臚十曰廷尉十一曰大長秋十二曰將作大匠韋昭辨

云漢正卿九一曰大常二曰光祿三曰衛尉四曰大僕五曰廷尉六曰鴻臚七曰宗正八曰少卿九曰大司農

曰少府是為九卿執金吾本故中尉掌徼循宮外司執姦邪至武帝更執金吾為外卿不在九列外

匠次金吾長秋自皇

太常 博士

奉常秦官掌宗廟禮儀有丞景帝中六年更名太常古師

曰太常王者旌旗也王有大事則建以行禮官主奉持之故曰奉常也後改曰太常尊大之義

屬官有太樂太祝太宰太史太卜太醫六合丞又均官

部水兩長丞又諸廟寢園食官令長丞有靡太宰太祝

令丞如淳曰五時在靡故特置太宰以下諸官五時各一尉又博士及諸陵

縣皆屬焉景帝中六年更名太祝為祠祀武帝大初元

年更名曰廟祀初置太卜元帝永光元年分諸陵邑屬

三輔王莽改太常曰秩宗百官表

太常掾 朱博

太常掌故 晁錯

太常掌故 儒林傳房鳳

史書令史 藝文志

待詔 律歷志待詔李信治黃帝調歷

大典星 律歷志射姓

治歷 律歷志鄧平

望氣 李廣傳望氣王翔

望氣佐 郊祀志武帝遣望氣佐侯蓬萊

高廟僕射

王莽傳上哀章持金匱至高廟以付僕射

廟郎

功臣表功德坐廟郎夜失大免

寢郎

馮參

園郎

班釋又金敞傳云故事近臣皆隨陵為園郎

禮官大夫

徐生以頌為禮官大夫

曲臺署長

孟喜

寫書官

武帝置寫書之官當屬太史故附於此

博士

博士秦官掌通古今秩比六百石員多至數十人武帝

建元五年初置五經博士宣帝黃龍元年稍增員十二

人百官表

楊何易

歐陽書

后蒼禮

公羊春秋

以上武帝立

施孟易

梁邱易

大小夏侯尚書

穀梁春秋

大小戴禮

以上宣帝立

京氏易

元帝立

嚴氏春秋

古文尚書

毛詩

逸禮

博士弟子五十人

儒林傳武帝置

歌吹諸生

儒林傳武帝置

光祿勳大夫 僕射 郎 謁者 期門羽林

郎中令秦官掌宮殿掖門戶有丞武帝大初元年更名

光祿勳應劭曰光者明也 祿者爵也勳功也 屬官有大夫郎謁者皆秦官

又期門羽林皆屬焉百官表

掾光祿勳于承 舉王嘉為掾

主事張安世為光祿勳 郎醉主事白行法

大夫

大夫掌論議有大中大夫中大夫諫大夫皆無員多至

數十人武帝元狩五年初置諫大夫秩比八百石大初

元年更名中大夫為光祿大夫秩比二千石大中大夫

秩比千石如故百官表

文學光祿大夫夏侯勝

郎

郎掌守門戶出充車騎有議郎中郎侍郎郎中皆無員

多至十人議郎中郎秩比六百石侍郎比四百石郎中

比三百石中郎有五官左右三將秩比二千石郎中有

車戶騎三將秩皆比千石百官表如淳曰主車曰車郎 主戶衛曰戶郎漢儀注郎中

令主郎中左右車將主左右車 郎左右戶將主左右戶郎也

外郎

惠紀外郎滿六歲賜爵二級
蘇林曰外郎散郎也

郎署長

馮唐為郎中署長師古曰為郎中而為郎署之長袁盎傳上幸上林郎署長布席盎

引邵慎
夫人坐

車郎

藝文注車郎張豐如
淳曰主車曰車郎

輦郎

劉向

戶衛

功臣表
郭蒙

騎郎將

王吸李廣師古曰為
騎郎之將主騎郎

郎中騎千人

功臣表
靳疆

謁者

謁者掌賓讚受事員七十人秩比六百石有僕射秩比

千石

百官表

期門

期門

服虔曰與期門下以
微行後遂以名官

掌執兵送從武帝建元三年

初置比郎無員多至于千人有僕射秩比千石平帝元始

元年更名虎賁郎置中郎將秩比二千石

師古曰賁與
奔同言如猛

獸之
奔

給事期門

史記功臣
表董忠

羽林

羽林

師古曰言其如羽之疾如林之多

掌送從次期門武帝大初元年

初置名曰建章營騎後更名曰羽林騎又取從軍死事

之子孫養羽林官以五兵號曰羽林孤兒羽林有合丞

宣帝令中郎將騎都尉監羽林秩比二千石

百官表

羽林黃頭郎

僕射

僕射秦官自侍中尚書博士郎皆有古者重武官有主

射以督課之軍屯吏騶宰永巷宮人皆有取其領事之

號

百官表孟康曰皆有僕射隨所領之事以為號也苦軍屯吏則曰軍屯僕射永巷則曰永巷僕射

衛尉

衛尉秦官掌宮門屯衛兵

師古曰漢舊儀云衛尉寺在宮內胡廣云主宮闕之門內

衛士于周垣下為區廬若今之仗宿屋矣

有丞景帝初更名中大夫今後元

年復為衛尉屬官有公車司馬衛士旅賁三令丞

師古曰漢

官儀云公車司馬掌殿司馬門夜徼宮中天下上事及關下凡所徵召皆總領之合秩六百石旅衆也賁與奔

同音為奔走之任也

衛士三丞又諸屯衛侯司馬二十二官皆屬

焉長樂建章甘泉衛尉皆掌其宮職略同不常置

百官表

未央衛尉

李廣

長樂司馬

律歷志長樂司馬可臣天麟按長樂宮四面皆有公車司馬門每門各二司馬

此卽八司馬之一也

衛司馬谷吉鄭吉

衛侯馮奉世

長樂屯衛司馬馮遂

長樂戶將尹更始

建章監衛青李陵

給事進章衛青

公車大誰卒五行志公車大誰卒注云大誰長令在司馬殿門衛士之師也

執盾惠紀又功臣表孔衆

執戟惠紀

武士應劭曰力士也高祖使武士搏韓信是也

騶惠紀師古曰本廐之馭者後又令爲騎因謂騶騎也東方朔給騶侏儒

太僕

太僕秦官掌輿馬有兩丞屬官有大廐未央家馬師古曰家

馬者主供天子私用非大祀戎事軍國所需故謂之家馬也三令各五丞一尉又車

府路輪騎馬駿馬囚令丞又龍馬閑駒橐泉駒駮承華

五監長丞又邊郡六牧師苑令師古曰漢官儀云牧師諸苑三十六所分布北

邊西邊分養馬三十萬匹各三丞又牧橐師古曰牧橐言牧養佗也昆蹏應劭曰昆蹏好

馬名也
蹶音蹄

合丞皆屬焉中太僕掌皇太后輿馬不常置也

武帝大初元年更名家馬為桐馬

桐音徒孔反應劭曰主乳馬飲其汁桐治

之味酢
可飲

初置路軫

駿馬監

傳介子

平樂廐監

傳介子

移中監

蘇武師古曰移中廐名如淳曰後園之中馬廐

家車吏

齊受師古曰主漢王之車非軍國所用也

廐司御

夏侯嬰為沛廐司御

農官

食貨志武帝水衡少府大僕大農各置農官

廷尉

廷尉秦官掌刑辟有正左右監秩皆千石景帝中六年

更名大理武帝建元四年復為廷尉宣帝地節三年初

置左右平秩皆六百石哀帝元壽二年復為大理王莽

改曰作士

百官表又宣紀地節三年初置廷尉平四人

廷尉史

廷尉湯請博士弟子治尚書春秋補廷尉史見本傳又路温舒奏曹掾守廷尉史于

定國郡史曹
補廷尉史

奏讞掾

廷尉湯以倪寬為奏讞掾

奏曹掾

廷尉請路温舒署奏曹掾

掾 廷尉以從史
倪寬為之

從史 倪寬傳師古曰只
隨官僚不主文書

廷尉文學卒史 倪寬以掌故
功次補卒史

書佐 薛宣少為
廷尉書佐

大鴻臚

典客秦官掌諸侯歸義蠻夷有丞景帝中六年更名大

行令武帝大初元年更名大鴻臚 應劭曰郊廟行禮護
九賓鴻臚傳之也

屬官有行人譯官別火三令丞 如淳曰漢儀注別火獄
令官主治改火之事

及郡邸長丞武帝大初元年更名行人為大行令初置

別火王莽改大鴻臚曰典樂初置郡國邸屬少府中屬

中尉後屬大鴻臚 百官表

主客 成帝時金岑為主客服
虔云主胡客屬大鴻臚

大鴻臚文學 平當治禮丞
功次補文學

大行治禮 王莽傳公賓就
故大行治禮

大行治禮丞 平當

大行卒史 儒林傳

宗正

宗正秦官掌親屬有丞平帝元始四年更名宗伯屬官

有都司空令丞

如淳曰律司空主水及罪人賈誼曰輸之司空編之徒官

內官長丞

師古曰律歷志主分寸尺丈也

又諸公主家今門尉皆屬焉王莽并其

官于秩宗初內官屬少府中屬主爵後屬宗正

百官表

主傅

東方朔傳昭平君醉殺主傅

中府

東方朔傳館陶公主中府師古曰中府掌金帛藏

舍人

周長孺師古曰舍人家人也主家事者也

大司農

治粟內史秦官掌穀貨有兩丞景帝後元年更名大農

令武帝大初元年更名大司農屬官有大倉均輸平準

都內籍田五令丞幹官

如淳曰幹音筦或作幹幹主均輸之事所謂幹塩鐵而酒酤也

鐵市兩長丞又郡國諸倉農監都水六十五官長丞皆

屬焉馭粟都尉武帝軍官不常置王莽改大司農曰義

和後更為納言初幹官屬少府中屬主爵後屬大司農

百官表

大司農中丞管諸會計事

食貨志下桑宏羊

大司農部丞

食貨志桑宏羊請置大司農部丞數十人分部主郡國平紀元始元年置

大司農部丞十三人

大司農史

蕭望之傳李宮

大司農斗食屬宣薛

治粟都尉食貨志桑宏羊為治粟都尉領大農盡斡天下鹽鉄

農官食貨志武帝水衡少府大農大僕各置農官

稻田使者昭紀元鳳元年假稻田使者燕倉

權酤官昭紀始元元年罷權酤官

少府以上九卿

少府秦官掌山海地澤之稅以給其養應劭曰名曰禁錢以給私養自

別為藏師古曰大司農供軍國之用少府以養天子也有六丞屬官有尚書符節

大醫大官湯官導官師古曰大官主膳食湯官主餅餌導官主擇米樂府若盧

如淳曰若盧主藏兵器考工室臣瓚曰主作器械左戈師古曰地名居室甘泉

居室左右司空東西織園匠師古曰東園匠主作陵內器物十二官令

丞又胞人師古曰胞人主掌宰割者也胞與庖同都水均官三長丞又上

林中十池監又中書謁者黃門鈎盾師古曰鈎盾主

近苑園尚方主作樂器永巷內者宦者七官令丞諸僕

射署長中黃門皆屬焉武帝大初元年更名考工室為

考工左戈為飲飛居室為保宮甘泉居室為昆臺永巷

為掖廷飲飛戈射有九丞兩尉大官七丞昆臺五丞樂

府三丞掖廷八丞宦者七丞鈎盾五丞兩尉成帝建始

四年更名中書謁者令為中謁者令初置尚書員五人
有四丞河平元年省東織更名西織為織室綏和二年
哀帝省樂府王莽改少府曰其工百官表

蕭望之領尚書事建白以為尚書百官之本國家
樞機宜以通明公正處之武帝游宴後庭故用宦
者非古制也宜罷中書宦者應古不近刑人元帝

不聽本傳成帝建始四年春罷中書宦官臣瓚曰漢

中謁者令孝武加中謁者令為中書謁者令置僕
射宜帝時任中書宮宏恭為令石顯為僕射元帝
即位數年恭死顯代為中書令
初置尚書員五人
尚權用事至成帝乃罷其官

師古曰漢舊儀云尚書四人為四曹常侍尚書主
丞相御史事二千石尚書主刺史二千石事戶曹
尚書主庶人上書事主客尚書主外國事成
帝置五人有三公曹主斷獄事並見本紀

尚書郎史記功臣表王遷宋百
官志云西漢舊置四人

尚書史藝文志

給事尚書張安世為郎用
善書給事尚書

尚符璽郎霍光傳

侍醫藝文志侍醫李柱國校方
書師古曰侍天子之醫

大官獻丞張勃蘇林注
云主貢獻功

食監昌邑王詔大官
趣具亡闕食監

尚食

紀惠

尚席

周亞夫傳漢儀注省中有五尚曰尚食尚冠尚衣尚膳尚帳後遂省并尚食于大官湯官

樂府音監

張放傳音監景武孟康曰監主樂人

樂府游徼

張放傳游徼莽

令史

張放傳

東織室令史

宣帝紀張敞

中書僕射

石顯

黃門倡

藝文志車宗

倡監

東方朔傳

馬監

金日磾

黃門駙馬

蘇武傳宮騎與黃門駙馬爭船師古曰天子駙馬之在黃門者也

狗監

蜀人楊得意為狗監師古曰主天子田獵犬

給事狗監

李延年

鈎盾冗從

藝文志李步昌

尚方詔待

郊祀志下

掖廷獄丞

趙后傳籍武

掖廷牛官令

趙后傳

掖庭戶衛

許后傳

少內嗇夫 丙吉傳注云掖庭主府藏之官

暴室丞 一作薄室師古曰掖庭主織作梁練之署三輔黃圖謂之暴室取暴晒為名耳有嗇

夫官屬

暴室嗇夫 許廣傳

農官 食貨志武帝水衡少府皆置農官

中謁者 高紀封中謁者張釋卿為列侯如淳曰灌嬰為中謁者後常以閹人為之諸官加中

者多閹人也

中涓 曹參傳令以中涓從如淳曰中涓為中謁者也師古曰涓潔也言其在中主知潔清掃洒

之事蓋親近左右也

協律都尉 李延年

海丞 平紀元始元年置師古曰主海稅

果丞 平紀元始元年置師古曰掌諸果實

採珠玉金銀之官 貢禹傳

執金吾

中尉秦官掌徼循京師有兩丞侯司馬千人武帝太初

元年更名執金吾 師古曰金吾鳥名也主辟不祥天子出行主先導以禦非常故執此鳥之

象因以名官 屬官有中壘寺互武庫都船四合丞都船武庫

有三丞中壘兩尉又式道左右中候侯丞及左右京輔

都尉尉丞兵卒皆屬焉初寺互屬少府中屬主爵後屬中尉自太常至執金吾秩皆中二千石丞皆千石

百官表

備盜賊中尉

史記淮南王傳備盜賊中尉臣福

都船獄吏

薛宜

將作大匠

將作少府秦官掌治宮室有兩丞左右中候景帝中六年更名將作大匠屬官有石庫東園主章長丞武帝大初元年更名東園主章為木工成帝陽朔三年省中候及左右前後中校五丞

百官表

典屬國

典屬國秦官掌蠻夷降者武帝元狩三年昆邪王降復增屬國置都尉丞候千人屬官九譯合成帝河平元年省并大鴻臚

百官表

武帝紀元狩二年

表作三年當考

匈奴昆邪王殺休屠王

并將其屬合四萬餘人來降置五屬國以處之

注云

凡言增屬國者守曹屬國都尉也

安定

三水

天水

勇士

上都

龜茲

西河

魏吳

五原

已上並屬國都尉治

地里志

宣帝神爵二年置金城屬國以處降羌

本紀

五鳳三年置西河北地屬國以處匈奴降者

本紀

水衡都尉

水衡都尉武帝元鼎二年初置掌上林苑有五丞屬官

有上林均輸御蓋禁圃輯濯鍾官技巧六廐辦銅九官

令丞

如淳曰御蓋地名也在藍山其土肥沃多出造御物可進者揚雄傳謂之御宿三輔黃圖御蓋宜春

皆苑名也輯濯船官也鍾官主鑄錢官也辦銅主分別銅之種類也師古曰御宿則古今長安城南御宿川也

不在藍田蓋宿聲相近故或云御蓋或云御宿耳蓋者珍羞所出宿者止宿輯讀與輯同音集濯音直孝反皆

所以行船也漢舊儀云天子六廐未央承華駒駉騎馬輅輅大廐也馬皆萬匹據此表太僕屬官以有大廐未央輅輅騎馬駒駉承華而水衡又云六廐技巧

官是則技巧之徒供大廐者其官別屬水衡也又衡官

水司空都水農倉又甘泉上林都水七官長丞皆屬焉

上林有八丞十二尉均輸四丞御蓋兩丞都水三丞禁

圃兩尉甘泉上林四丞成帝建始二年省技巧六廐官

王莽改水衡都尉曰子虞初御蓋上林衡官及鑄錢皆

屬少府

百官表

虎圈嗇夫

張釋之傳



輯濯士

劉屈氂傳師古曰主用輯及濯行船者也

下法... 卷三十一

農官 食貨志武帝水衡少府皆置農官

領護 三輔都水 息夫躬劉向又馮參 領護左馮翊都水



天祿中平

[Faint, illegible text on the left page]

